

六一山房詩集

序

六一山房詩續集十卷鄞縣董覺軒先生編其壬申後詩及服官西江之作也記曰聲音之道與政通焉又曰詩以道性情是知周南召南之篇爲風人之首小雅大雅之作實王政之由三百所垂厥愷尙矣東周以後王者迹熄風雅道亡而楚人屈平宋玉之徒憂傷憔悴主文譎諫追轡風詩得其諷諭降自炎漢下逮李唐作者代興同塗異軌守溫柔敦厚之教或組織乎文章挾風雲月露之奇亦排比其聲韻蓋詩者志之所之也情動於中而形於言苟能上祖風騷兼綜華實其卽先王之

所以敘人倫敦風化者乎先生卓犖挺姿都長宅性貫  
通窺窮極圖書凡夫召陵解字之編高密說經之簡  
司馬著史之略涿鹿詁子之精靡不曲暢旁啟索鑰鉤  
識蘊其沈博絕麗之思發爲闕通演迤之作曠音審律  
操千曲而得宮夔樂永言總九成而合度其令弟敘存  
前集言之詳矣至若賀舉進士機游維中大和試策朝  
士咸切直其言西京甲科故事以郎官出宰西門政猛  
東野詩鳴賡集所刊此其時也夫文不載道詞雖巧而  
弗傳行不先言語雖華而弗貴先生獨攄灝氣隱寓微  
辭傳至行則歌泣鬼神談風義則雕鏤金石參治亂得

失之變考山川戰伐之區尙論古今推原興廢緯縻獨  
歎匣龍自吟每慨壤埴之凋殘華夷之錯雜言者無罪  
聞者足戒一篇之中尤三致意焉迨夫捧檄江城歷宰  
望邑解紱獨鼓強項不撓文翁興學教化起於謳歌叔  
敖治隄民田資其灌溉崇祿水旱圖繪流亡則又樂天  
存吳郡之詩次山紀道州之作矣讀是集者若徒諷詠  
乎花鳥之妍刻引乎宮羽之律指憂時爲窮愁之例詆  
詠史爲記事之珠舍本而取末汎流而忘源微特不足  
論先生之詩抑亦未窺乎四始之原六義之本也

光緒九年歲在癸未十二月旣望陽湖洪熙序

六一山房續集詩目

卷一

壬申癸酉

詩五十三首

卷二

甲戌

詩四十八首 附一首

卷三

乙亥

詩五十首

卷四

丙子丁丑

詩六十五首

卷五

戊寅

詩六十首 附三首

卷六 巳卯

詩六十五首

卷七 庚辰

詩六十首 附五首

卷八 辛巳

詩七十二首

卷九 壬午

詩四十八首 附五首

卷十 癸未

詩五十二首

右詩五百七十三首編成十卷自壬申至癸未十二年  
中所作也前五卷刻於己卯後五卷刻於甲申是爲六  
一山房續集校字之役陳文學鑾光任之女學東湖人  
游吾門七年矣鄞董沛孟如甫識

六一山房續集卷一

壬申癸酉

鄧董沛覺軒

壬申

偶作

積氣爲天高高無門下視萬寓蟣蝨緣禪杯水堂坳羣  
蟻洪潦謂有報施神道設教

二

政令無常旱澇斯變嗟哉愚民爲吏受譴闔獻大劫天  
降殺星流血赭野雷霆不驚

三



緯書談天崇奉五帝佛家卑之諸天旁侍西人曰噫天主獨尊一倚一伏斯理互根

甬東懷古

霸越平吳此建城句章遺壘石縱橫地當海國華戎界人聽江湖日夜聲蓬島使臣終不返芝山隱士古無名樓臺蜃氣都虛渺賺駐羸皇一月程

二

北越南台兩境分洞天福地久傳聞枯猿落木樊仙榭瘦蜨寒花祝女墳寥廓雲山悲往事斷殘金石攷遺文塵埃天子英雄氣百戰曾銘宋武勳

三

指畫明山肇置州題詩風月記南樓長留任陸開湖續  
莫問鍾黃競渡遊草竊餘腥憐鵲蚌荒唐舊說笑螭蚌  
村農白髮談天寶

謂吳越年號

龍負當年武肅舟

四

倉黃乘馬出州門南渡君臣事漫論俠客上書陳大計  
庸奴棄甲負殊恩高橋戰壘千秋憾僻巷居民幾輩存  
誰道中興功第一滿城烽火哭殘魂

五

衢國崇封霸府開龍衣御酒自天來東津浮木江橋穩

北地輸糧海艦回房眷紛紛皆重鎮幕僚濟濟半清才  
憐他納土歸降日祈請猶聞表語哀

六

樓船直下大瀛東蛟虎當關氣象雄信國籌邊多列戍  
魯王駐蹕有行宮巖疆烽燧田廬警官市茶鹽島嶼通  
譚戚黃張俱一瞬叢祠荒塚棘圍中

藍義山將軍畫像歌

虎頭燕領長絕倫飛而食肉眞將軍一再三死竟不死  
髮膚身體皆

皇恩將軍世爲閩中產染絲捆屨家極貧跳刀入海作

生活經歷萬險遭艱辛天爲

興朝生國士忍使玉石無區分風雷脫汝劍下命一朝  
仗策投轅門維時耿尙已輸款延平恃海猶斷斷

皇赫斯怒遣征旅坐待甌粵銷邊塵桓桓施侯佩將印  
漳泉接境相比鄰將軍勇名夙知曉用作前部旗一新  
樓船百隊橫海濱斬戈什哈祭纛神今日上吉向東去  
眼看鼠賊成游魂諸軍大合決死鬪飛礮忽墮將軍身  
腹破腸出血流注掬而納之如不聞嗚呼將軍信奇特  
古惟彭樂堪與羣三十六島遂收復臺灣震恐咸稱臣  
捷書上奏

卷一  
天子歎褒予屢屢

顏溫綸將軍騎馬覲

行闕親爲解視摩創痕鎮朔已授宣府節開河又賜天  
津屯

恩許畫錦還鄉里元戎控扼兼八閩將軍慷慨頗好事  
欲令此土無莠民豪強頑梗悉擒治造杠砌路俾輸繒  
文吏用文交彈劾罪當大辟情皆眞

帝念前勞姑削籍

命入旗冊寬鉗髡窮居四載仍

召對沙河萬里馳征輪終以老病死牖下白首感戴

仁皇仁嗚呼將軍起徒卒揚帆擊楫乘風雲身雖已逝  
留此像精爽奕奕生氣存我冠博帶佩長鈇鬚怒捲  
雙目瞋平臺首功跨諸將何不以此圖麒麟將軍昔官  
定海鎮四權提督來吾鄞走也先世隸麾幕况復邇日  
交昆孫謂海珊干戶起蛟謹披此像一瞻拜鑪煙簇簇椒蘭焚  
恨非龍門寫生手描繪百戰旂常勳

寓盧氏抱經樓觀藏書

劫後猶存萬冊書浙河遺籍此樓孤秦宮幸脫阿房火  
粵海如還合浦珠書爲楊氏所得仍還此樓兩宋麻沙多舊刻四明  
石庫本仙區范家天一儲藏久殘本飄零古本無

二

縣中近日纂圖經屢擬登樓借榻停一月已留琴劍客  
千秋須乞飭編靈衣冠鼎盛搜人物架閣書多載地形  
樓中藏地志幾六百種以補卻爲鄉邦添故實傳抄長  
鄭志選舉表人物傳頗多  
對夜燈青

雨夜

漸覺重陽雨瀟瀟冷入帷殘秋憐病弟荒土憶殤兒  
以四月苦味心難解衰容鬢已知倚燈看獨影默數漏  
三日殤聲遲

仲弟自八月臥病至十一月十六日竟逝痛念時

昔拉雜成篇焚之櫬前以代哀誄

我筆方欲書滿紙皆淚痕莽莽天地中留此悲苦身髻  
年痛無怙旣壯爲鮮民相依惟兩弟團聚在里門仲也  
守家學尤覺詩書親事兄乃如父怡樂見性眞斗室釀  
太和甘守藜藿貧豈惟師友資文字相討論奈何一个  
弱悵悵悲隻輪我言欲告汝瑣屑難具陳

二

汝年六七歲叔母心愛憐兩家雖別籍恆若同室懼以  
汝嗣叔後奉侍庭闈閒養母逾所生鄉黨無閒言偶病  
不離側遑恤飢與寒往往數月期徹夜無一眠叔母語



諸舅幸哉嗣子賢吾老得所依庶幾爲加餐嗚呼古孝  
子載籍多高年汝甫曰強耳胡爲天不延

三

叔父二十三吾父三十九汝年踰四十或已天所厚生  
少苦單弱斑白早如叟重以愁病煎駐世那能久托命  
爲弟昆形影永相守百年奚足多耆艾尙非壽中道汝  
棄捐慘若去吾手孤此一寸心安向太虛叩

四

束髮吾出遊蚤以文筆鳴汝也能繼之辭賦亦有聲頗  
困童子試廿載艱一名挈汝赴省闈屢踏杭州城孤帆

泊江岸忽聞鄰笛清倚蓬得長句與汝相酬賔此境不  
可再宛曲悲我情汝死儻不忘泉下應涕零

五

我方領鄉薦汝亦青其衿歡笑洽同氣證合無異心譬  
之湘靈瑟調以雲和琴相叶不相犯自然多好音如何  
瑟絃斷清籟俱銷沈如何琴絃孤倚壁不復吟朝聞山  
寺鐘暮聽鄰家碓紛紛百感集蕩我愁思深胸有千萬  
言與汝相酌斟殘燈黯青碧汝魂何處尋

六

每得希有書書寫不憚勞叢殘未完帙亦復勤手鈔潛

心慕易學夢若吞義爻古注搜京荀近採張與焦仲翔  
卦氣說頗亦加譏譙摩挲此殘藁何日付刻雕今且不  
欲觀重我心鬱陶空齋四壁靜恍聽寒蟲號

七

二月占訟凶四月悲殤兒六月汝還家驟見精力疲倚  
榻每偃臥骨瘦如枯枝勸汝服蓂苓謂待秋涼時豈料  
孱瘠軀不耐西風吹頽然遽在牀日謁三四醫知汝素  
勞悴思慮傷肝脾藥之亦對證其奈脈息微朝朝爲汝  
視視病多死機猶恐傷汝心不敢容色洩

八

百思得一方姑與汝嘗試明發趨叩門知汝尙安睡吾  
心頗解憂仍以此方餌再服卻無靈依然不能寐延醫  
重點竄總可暫時治可暫非可久焦勞實無計此由臟  
腑空草木力何濟安得仙人丹爲汝助精氣

九

明知百無益未肯心竟灰中夜禮星斗叩額爲汝祈視  
汝益綿悽痛汝逾沈危低首暗拭淚強以言支持爲汝  
娶兒婦倉卒選婚期新婦汝所擇俾汝親見之凡百身  
後事季弟勞不辭吾惟束手耳愴焉心目悲

十

彌留忽起坐湛然神色清家人環伺側一一言分明有  
母弗終養有子方弱齡惟賴兄弟賢或可門戶撐旁洎  
甥姪輩款曲重叮嚀語畢宛微笑駭視目已瞋此時萬  
矢簇驟覺攢我膺滿室皆號咷不辨誰哭聲聲斷尙能  
續魂斷不再生生死一瞬間何由窮杳冥

十一

恍恍入門來悠悠出門去入門何所思出門何所遇嚴  
霜在我心寒月在庭樹我魂亦飄搖疑將往泉路大劫  
如風輪挽之不肯住寸腑叩萬靈猶然墮塵霧今生已  
無緣別我太恩遽願乞司命籍來生預爲註仍恐隔世

人難將本來悟終古兩茫茫吾言向誰訴

十二

慟哭凭汝棺昏昏若沈醉諒借紙上言何由盡吾意吾  
意不能盡吾心已先碎豈獨吾慘悽親朋各哀涕有几  
朝不餐有榻夕無寐常疑汝在前面與吾顏對白日沈  
西山商聲厲羣籟窮冬水欲冰凝結到雙淚上戴三尺  
天下履一尺地天地本無情吾亦歎生寄

除夕

涉世難言閱歷深恩恩時序每關心寒花有意添新樣  
倦鳥無歸戀故林殘臘光陰杯底酒舊游消息夢中琴

空憐暮景飛騰語杜老生涯只苦吟

二

親故凋零黯自悲年年此夜最相思  
叢殘文字空名賤老大襟懷短夢知  
畫壁衣冠驚弟在影堂稽拜少兒隨  
平生卻被聰明誤願向前頭轉買癡

三

樹梢晴雪竹梢風料檢春光永夕中  
一例祭詩遵島佛幾家守歲學坡翁  
孤心寂寂難消悶冷氣番番且送窮  
閒撥地鑪尋夜話石湖應亦困蒙茸

癸酉

寄陳鈞堂比部

康祺

都中

今我不樂思燕都東街走馬西街車美人皎皎出塵表  
何以贈之明月珠珠光在手月在水一樣空明兩心洗  
山林廊廟千秋期骨肉家門歎屯否前歲送君長安征  
昨歲與君交涕零西風北風雁行斷愛弟短逝難爲兄  
令弟清甫舍人去年八月卒舍弟震軒十一月卒坎軻身世本同命天定何能  
人力勝郎官懷牒薪米難窮士著書瓶甕罄我詩寄君  
君和之關河遼隔生別離誰云絲竹可陶寫深宵涕淚  
人不知江南二月春光好過眼韶華都草草敝車羸馬  
風塵中君不能歡吾漸老



贈朱雨生太學

志霖

鄞南五十里有鎮號光溪自昔曾開縣於今尙築隄山  
川供遠眺魚鳥樂幽棲舊友朱翁子園林待我題

二

昨與文郎晤知君已艾年劉樊誰隱蹟皮陸幾詩篇對  
榻留僧話橫琴伴鶴眠何當理芒屨同造四明巔

題盧孺人秋燈課詩圖

孺人黃巖人王穀夫  
孝廉彥威之母也

涼颼起天末露下明河低高樓一星火諷誦三百詩王  
家阿母賢能作閨中師有兒露頭角隅坐親教之證以  
毛鄭詁參以騷選辭兒也夙穎悟聽之亦解頤吁嗟歲

在丑乃邁風木悲無母竟何恃悽惻披靈帷念我讀書  
樂逝者不可追呼工寫爲圖如對親在時母本范陽望  
生具明慧姿割肉起父病篤行人所希昔日事父孝今  
日爲母慈慈亦母恆德而復嚴課稽一編焦尾稿孺人遺詩  
口澤杯棬遺珍重此篇什行當付棗梨長空獨雁叫荒  
園寒蟬啼揮淚題此圖我亦無母兒

魯宮詞

偶閱魯乘與諸家紀載頗有異同采其十事編  
爲宮詞

十代遺封舊兗州江湖飄泊故宮秋館娃都付兵戈劫

埋碧千年土一邱

魯封兗州傳國十世崇禎中兗州破乘云宮女死者八十七人

二

西陵監國亦怱怱澤先頒外戚封認取椒房真綫索

降臣一體號從龍

張妃頗預政其兄國俊飽兼金引降臣謝三賓入閣乘云三賓進珠貝十

事入宮中

三

東去猶依保定營蛟關烽火霎時驚到頭生死無消息

雪塞冰河五國城

西陵潰保定伯毛有倫扈宮眷出海為張國柱亂軍所劫張妃世子俱北

去乘云張妃有題廣陵驛壁詩

四

新選嬪娥却有郎鄭公一疏啟文皇舊巢鴛蝶仍完好  
不唱羅敷陌上桑

翁洲人欲納女入宮張忠穆聞其已字人疏諫之王遽止乘中載其疏

五

海師分出海城危一死完貞井水知不愧中朝熹烈后

夕陽繫馬謝山碑

元妃陳氏鄞人翁洲破投井殉焉王在閩賜諡貞妃乘中載哀冊文

六

頒詔當年恨未忘寓公致敬尙周詳蠻天應笑安隆府

皇后新增一口糧

鄭延平以唐魯舊隙不奉朔然亦盡寓公之敬乘云月饋二百金

七

元日朝正共論詩中原夢想漢官儀秀夫已溼袍襟淚

紫袖昭容尙勸卮

乘云丁亥元日熊汝霖入朝王飲之酒以除夕夢中詩相示泣下不終席

八

湄洲浩嶼海雲閒絕島樓船去不還愁聽南唐新樂府

望家山是念家山

乘云宮伎青琴善歌唱望家山一闕王爲之流涕

九

暫幸金門築草堂觀書權號內書房阿監偏賜從官飲

本地團茶常薦漿

乘云王在金門築寓室曰壁經草堂召從官進講賜茶而出

十

閩島重逢世子生侍臣箋賀有歡聲可憐靖海功成日

西渡新編內地氓

王在閩生子桓立爲世子後隨延平八臺灣鄭克塽降同瀘溪巴東樂安

舒城諸郡王遷入內地乘云施靖海贈  
世子衣一襲馬一匹米十石銀百兩

### 五異人詩

#### 淮上老兵

黃巾百萬來如飛長驅北上趨燕畿老兵昌言山左旱  
河枯無舟糧食斷東王聞天王喜南王南歸畫江水局  
促荆吳檻籠死爾時齊魯趙魏無一防風行席捲之勢  
惡能當南北大局轉移巧老兵一言賊顛倒老兵之功  
漢三老

#### 金陵妓

秦淮妓朱九妹入賊宮賊所愛賊愛不足喜妾願以節

死賊愛亦足喜妾死不徒死擒賊先擒王誓取洪興楊  
洪楊有術爺哥神賊稱天父又稱耶穌爲天兄連稱之則曰爺哥破以厭物可  
殺身繡冠雙具花斬新縫褻穢布無纖痕可憐女伴洩  
奇策五馬分屍僞宮側淮流澄清血流碧青樓女子死  
爲國金陵逃官愧無色

杭州擔夫

冬十一月杭州陷將軍巡撫死無憾擔夫生長艮山門  
皇王水土天地恩嗚呼此城賊所據安肯一朝同賊住  
城河曲曲通西湖從容投水捐其軀杭州藩司賊上客  
仁錢兩縣拜僞職紛紛狗面囚首徒嗚呼擔夫眞丈夫

紹興丐

軍師旅帥小卑職

賊見上官自稱小卑職

手握牢盆大坐也金陵

官檄頒越中叩謝南關臣之恭門前一丐案前言先生

讀書已鄉舉頂冠補服花蟒衣丹巾紅裳誰是非先生

聞之羞變怒鞭杖交加棄諸路丐也匍匐逃殘生至今

不識何姓名先生讀書真可喜賊退居然富家子還魂

舉人

四字見南雷集中進士

四明山樵者

四明山頭義兵起五路賊兵齊壓壘樵者兩手刀法精凜然當賊羣賊驚東戰東山斷賊一首西戰西山俘賊



一口刀光閃閃刀鋒長賊近十步皆殺傷捷如狡獪健  
如虎白刀入陣紅刀舞焚山大掠山林枯賊來益眾樵  
者孤孤身鏖鬪後不繼飛礮攢空一身墜四明分隸三  
郡疆樵者不知何縣鄉二百里中十萬鬼大半無名無  
姓氏

晚步

木落山逾迴天高晚更清西風蘆渚白歸雁入秋聲

送門人陳琴圃孝廉

修誠之上海

斜日離筵勸酒卮關河初客此臨歧吳江雲樹三年別  
海國帆檣一昔期悵惆出門慈母綫疏慵涉世拙工基

年來旅況多蕭索珍重金貂好護持

民謠

與我共斯民其惟良有司受人牛與羊奈何昏不知官  
書束高閣奚問鰥寡辭自云使無訟殊令聞者疑道旁  
一病丐僵臥恆苦飢是豈辟穀方曾拜留侯師

二

堂堂二千石下等鄉曲儒醉眼看文字終夜聲呶唔一  
試童子科爲日亦太舒徒令守候者旅食資無餘恃我  
廉潔操罔恤民號呼何如土木偶不食官家廚

三

姓名貢禮部長吏賓客之苟不涉訟庭賞罰安所施公然下一令肅具衣冠來聽候明使君懸賞求真才以此輕量士所見毋乃卑呼蹴與黔婁爾亦操豚蹠

青山寺

錢王頗佞佛寺剏晉初年門近山光入樓低樹色連鹿歸雲護洞龍蟄井生泉涵得清虛象平湖好放船

六一山房續集卷一

六一山房續集卷二

甲戌

鄞董沛覺軒

甲戌

北征篇

皇帝躬攬政

盛治開文明六次舉禮闈廣育天下英小臣浙東土上  
計將北征滄海五千里仗彼輪船行輪船出西域番部  
資以生今爲中國仿勦輔勞經營朱提數百萬通力相  
支撐遠涉南北洋隱示疆富形滬上建都府百貨千室  
盈佑客羣聚居樓閣高崢嶸通衢闢五馬車擔無留停

摩挲薰汗氣光怪耀目睛平康釵釧珥戲劇簫管笙鮮  
衣華服遊大肉肥魚烹歡笑洽賓主款昵稱弟兄豈不  
惜繁費奇貨操其贏我來三日留伴侶催登程船中起  
烈火旋轉雙輪鳴煙焰勢直上蕩作雲冥冥一過南槎  
山深黑天水凝倭麗帆可通旭日扶桑升風濤陡危險  
猶恃機器爭蒙被解瞑眩倚戶支顛傾對食難下咽勞  
苦殊不勝漸漸來齊東重見山色青洲島各面目過眼  
頗峻嶒遠可漁舶聚近或屯民耕登萊接遼瀋官弁嚴  
察偵側想

開國初

高皇起

盛京明代籌控禦布置三方并此地本要害閫帥多無  
能徒令孔耿輩航海歸

堯廷往事填我臆遠道疲我精我入大沽口行到天津  
城天津推重鎮健士紛列營壁壘扼衝路旗幟綴羽纓  
刀劍雪皚皚礮石雷轟轟河灣七十二左輔資藩屏百  
戰諸將臣練習屯衛兵島夷雖盛強未敢恣憑陵所惜  
編戶中頗多愁嘆聲去年遭恆雨淫潦決溝塍原田半  
蕪穢水道且變更麥黍空無收難慰飢渴情紛紛攜老  
弱相率爲流氓縱有常平糧計數惟零星競食惡草具

安冀枯木榮聞此言惻惻使我心忤忤我

皇自明聖運會際

中興喜受

兩宮訓流寇俱肅清近聞關隴捷旋覩滇黔平

垂衣撫華夏四表徵含宏偶遇偏方災未累洋溢名况  
復截漕粟徧散江南杭相公亦惠愛斯地駐行旌嗟爾  
畿內鄉猶履

王道亨我舟溟渤來吞吐愁蛟鯨我車都門去攘竊防  
猾黠津郡曉程發潞水官道經遙望

天闕高竄絕不可登卸裝息旅舍散步行郊垌高空淨

無翳夜見星斗橫眾宿皆拱北紫氣光蔽庭偃伯頌  
主德請勒靈臺銘

萬柳堂舊址

地處東城僻平泉故相莊蝸痕緣斷瓦驢背戀殘陽經  
雨花無賴當春樹亦荒風流今已渺臨水獨徬徨

春暮旅感

憔悴燕山遠客身料量琴劍有誰親天教黃土搏成我  
地入紅塵畏見人官樣文章依舊格花時風雨送殘春  
窗櫺低亞鑪煙直閒借盆蘭爲寫真

二



中年哀樂苦交并獨夜淒涼百感生病不兼貧猶耐病  
名難違命蚤成名侯門盡日歌長鋏旅榻殘更語短檠  
寒食清明容易過故鄉啼鳥已催耕

九蓮菩薩畫像

驅馬遊古寺征衣拂薰風寺有菩薩像云是慈聖容袈  
裟成壞色瓔珞垂璫瓏寶相替滿月猶覺光熊熊想當  
萬厯初嗣主方幼冲外倚元輔張內援司禮馮太后親  
主持蒙養端聖躬蚤起呼讀書昕夕無曠功十年頒新  
政國富兵亦雄諸邊講戰守專閫皆書庸惜哉朝局變  
慎始難圖終恩仇恣報復出口惟興戎橫議肆縉紳天

子如瞽瞍乃復事異教土木興繁工奉佛祝母壽繪像  
頒都中五城諸梵刹一例相欽崇可憐爭國本上達慈  
聖聰煌煌母后訓長幼以次從汝亦都人子何以嗣祖  
宗元良雖正位斥逐臺諫空正氣盡銷鑠礦稅馳羣苑  
佛力不能救四海終困窮我聞崇禎年度支罄大農捐  
輸國戚家后屬罹閔凶皇子忽夭折嚙語警乃翁謂遭  
菩薩譴一去隨冥鴻斯言殊恍惚讀史留疑叢又聞永  
曆主貌與神祖同太后亦好佛遺像存安隆香火二百  
載護法來天龍牂柯夜郎國頂禮紛猺獞斯舉信奇特  
直道三代公都門多佛寺金碧何穹窿五朝迭興建半

出長秋宮此寺留此像什襲藏箱籠朔望一展閱膜拜  
僧徒恭茫茫昌平陵狐兔穿蒿蓬何如九蓮佛猶得香  
花供

黑窰廠

石槃高爾許攬勝一停車露氣浮斑蘚風聲埽亂葭百  
年關世變幾輩騁詞華獨立空濛際無言對落花

同曹比部

昌燮

遊法源寺

遼海歸魂劇可憐憫忠梵刹古流傳碑磨安氏東都號  
寺記徽宗北狩年詞客同來惟論史老僧閒坐且談禪  
藤陰互接松陰路向夕山門帶薄煙

和作

鎮海曹昌燮 冊泉

鄒枚才調幾人憐  
慚愧梁園賦筆傳  
蕭寺同遊今有約  
斷碑細認古何年  
先生自具名山史  
我輩猶參靜室禪  
薇蕨儘談文節事  
齋廚向晚已炊煙

袁襄愍墓

完拾殘遼局公眞  
國爪牙援軍千里  
至朝議一時譁西  
市悲刀劍東關亂  
鼓笳孫熊同畢命  
淚血濺黃沙

二

旅葬都門外忠魂  
誓不歸危疑遭敵  
閒和戰本戎機空  
錫荒朝諡桂王追諡  
難將永命祈白楊  
孤冢樹惟有亂鴉  
飛

席上口占

隨處春風識面多  
當筵無奈別離歌  
黃埃蕭索東門道  
明日孤帆下潞河

二

一樣芙蓉出水新  
問渠何事帶微顰  
大千秋色收眉底  
怕向陽關送故人

渡海

三日四千里南歸  
第一船風平天海闊  
穩穩地行仙

滬上懷古

滬水迢迢去路賒  
前游蹤跡悟曇花  
微波瘦石潘園隄

賸露殘香顧繡家遷客草堂懷席帽肖孃荒冢駐輪車  
從來古意供臨眺江上躊躇日已斜

陳忠愍祠

罡風下飛海水立天礮行空撼危堞將軍立馬當寇衝  
孤柱南傾

九重泣西臺血戰東臺奔寶山跳免牛制軍頻年海疆  
死殉國關葛王鄭皆武臣武臣烈烈明大義文臣讀書  
不識字將軍一死後難繼長江遂踐無人地妾能殺賊  
臣能忠慈悲佛子金剛雄忠愍善撫士皆稱爲陳佛  
妾本漁戶女驍勇敢戰靈  
旗閃閃風捲空邊城夜見神燈紅

移鄞志局寓月湖

續修鄉國書一一須改竄作輟時相乘彼聚此或散雖  
云六載期實歷僅能半各抱桑梓憂何敢時日玩前茅

失徐軍吾當爲之殿捆載城西舟移屋月湖畔

志局舊寓城西

徐氏柳泉舍人時棟總之去年十一月柳泉卒

余旋以計偕入都事中輟今夏南歸乃移月湖

招我諸友朋分曹設几案圖譜搜遺文條理仍舊貫聞見有異  
辭援筆爲加判初稿幸可成亦尙多錯亂鍊金弗憚勞  
買玉毋自銜湖光清我眸如在鏡中看

送家樵孫兄

學履

守慶遠

廿載秋曹吏新叨出守

恩南行從海道西望入天門慶遠山名郡屢遭兵火官宜好

撫存看留冬日愛披豁瘴雲昏

平政祠有序

唐明州刺史應彪始創東津浮橋縣人建平政祠祀焉後之有功斯橋者並附其側

唐代流傳刺史功明州郭外臥波虹調言應笑汪容甫謂此浮橋始李公汪中謂李敏達創建亦妄矣

二

草竊英雄畫錦鄉尙留遺愛到輿梁無人別立衢公廟卻讓麻丞相此堂方國珍大修此橋以麻縣丞監其役



三

損來蘋藻薦春秋江水年年惠澤流我爲更繙前輩集

祠龕添祀兩張侯

張紫昭郡侯星耀見仁聲集張曉菴  
邑侯幼學見朋鶴草堂集有功於橋

今增  
祀之

四

坐看祠門夕照殘當年碑碣矗江干浮梁小誌無成帙

惆悵徐陵骨已寒

徐柳泉舍人嘗作浮  
梁小誌未成而歿

聞臺灣警

東溟千里起橫波急羽頻催驛馬過地接吳沙新闢界  
人愁徐海舊通倭南鄰已截中山貢西渡旋稱內不戈

聞道樓船齊赴敵扶桑消息近如何

二

膏腴土壤本宜屯番社奚嫌族類分儘可興田移種戶

最防懸島宿飢軍破荒擬列成功祀

時請立延平王專祠

嘉義難

忘大紀勳蒿目南天煩

聖慮諸公何以慰憂勤

陳魚門太守

政倫

招觀雜伎各繫以詩

舞竿

一竿矗立三丈高竿腳入地身不搖童子緣竿如猿猴  
竿頭圈以紅錦繡騰身入圈縑在腰作鞦韆舞風飄飄

有時倒挂鼯下跳有時斜墜鷹側捎迴翔旋轉極諸態  
足句手挽俱能半繡旗一展鏹聲急童子忽上竿頭立  
一足立竿一足彎飛下圍場墮如葉

### 走索

勁木直豎河之干綵繩橫紆平若弦童子錦衣花帽鮮  
窄袖輕履持長竿竿頭並繫小沙囊循繩而行仗雙腳  
舒手故作傾斜形鸚鵡翩翩燕迴掠東來西往無繫援  
下臨滾滾長流川且行且止且歌曲應宮合拍聲聲圓  
呼童下繩飲以酒客問其年纔八九河北之人無父母  
從師學藝師姓柳

弄甕

兩几相疊如法座一婦飛登向天臥身雖臥几雙趺蹠  
窄可三寸紅蓮翹一夫舉甕投其上甕容八斗長圓樣  
以足擎甕甕不翻高低轉側儼弄丸作勢聳甕離數尺  
纖趺接之殊有力夫也抱兒置甕中兒僅六歲無怯容  
擲以果餌投諸口猶向甕中作觔斗

跳刀

紫綃抹額髻雲墜短袖紅衫露雙臂臂如玉雪刀如風  
風聲颯颯刀擲空左手跳刀右手接兩手互換兩刀捷  
一上一下龍降升一左一右刀飛騰華堂沈沈燒巨燭

刀光閃紅燭光綠須臾兩刀迴旋飛手握刀柄中庭馳  
盤頭蓋頂白一片但見刀光不見面鼓聲驟歇刀亦收  
面不改色微汗流低鬟雲顰眉月鉤盈盈一捻腰肢柔  
與相慰勞殊怯羞

嘯笛

以鼻嘯笛笛作響五六工尺音不爽一人對唱吳兒歌  
笛聲中節相調和音比凡笛略纖小百轉雛喉喚春鳥  
曉風楊柳學士詞關西大漢姑舍之座客傾觴願一醉  
聞所未聞稱絕異曲終收笛重鼓箏淵淵亦作金石聲

呵鏡

圍逾三尺徑一尺非銅非晶懸諸壁右手仗劍左執卮  
喃喃不審何語辭作氣呵鏡鏡昏暗噴以法水晝以劍  
微光中裂如綫痕漸開漸大光滿輪別有一天在鏡裏  
綠樹青峯繞村市屋廬華好衣冠新聯坐偕行雜眠起  
荆關畫筆能寫生無此曲折微妙形鏡中之人若相接  
我願一借天梯升當空忽落數圍火鏡象全收客皆坐  
火氣消滅水氣澄壁上圓圓月輪墮

題蔡季白郎中

鴻鑑

湖舫鼓曲圖

湖上垂楊綠漸多扁舟一葉蕩橫波無端根觸湘靈怨  
寫作齊梁子夜歌

二

銀甲新排雁柱箏好風吹入櫓歌聲江鄉豔說芙蓉好

願借秋花補小名

侍姬朱蓉卿  
善絃索能歌

三

月華如水浸樓臺蘅芷中流幾溯迴應笑賭歌燕市客  
短衣躍馬總巖才

施均父孝廉

補華

從軍河隴追贈以詩

高秋匹馬賦西征萬里關河壯此行長揖軍門稱上客  
亂題詩壁有邊聲料量星海番戎界變置天山郡縣城  
期爾凌煙書姓氏它年誰識魯諸生

二

我亦從軍廿載前幾何屏息寸心牽  
唐家自關河西道漢武猶屯塞下田  
上相經綸勞使節故人蹤跡憶離筵  
迢迢蔥嶺珊瑚鞭路風雪相思倍悵然

七招詩

粵寇之亂吾鄉諸君子殉節它郡著者六人依  
其先後詩以招之而以胡光祿終焉

轅門鼙鼓擊三鼓手縛洪王獻巡撫巡撫佞佛能放生  
縱賊一去天下兵龍州父子死殉國曲突徙薪非上客  
嗚呼一招兮公歸來蠻雲瘴霧英靈開



右太平府同知王公

淑元字是型道光三十年八月殉贈太僕寺卿

臺臣出守廬陵郡白面書生判符印泰和土盜紛如麻  
南門西門轟礮車孤軍迎戰勢不敵士卒生還身死賊  
嗚呼二招兮公歸來青幡白蓋魂鑒之

右吉安知府王公

本梧字鳳樓咸豐三年七月殉贈太僕寺卿

危城倉卒守無計敢以偷生忘大義東西奔走乞援師  
事成不成未可知到頭一決完始願隻身枝梧隻手斷  
嗚呼三招兮公歸來西風吹送章江旗

右上海知縣傅公

自銘字新之咸豐六年九月殉贈知府

牛關馬嶺乘高下下瞰孤城勢凌跨守兵日懈賊日增

地雷一震城牆崩衝衢大呼刀割面各官戰死光澤縣  
嗚呼四招兮公歸來南閩接壤翩何遲

右福建通判呂公

文玠字謀莊咸豐七年二月殉贈道銜

儒官本非守土吏取義成仁畢吾事

七字乃公絕命詞語

正襟大

罵庸狗奴賊魁恨恨燔其軀光燄騰空作金氣一妾兩

兒倖逃避嗚呼五招兮公歸來鄰州諸將紛相隨

都司陳世

奎外委干總蘇昌貴殉江山把總陳長瑞殉海鹽干總楊諄楊繼芳把總陸世才外委干總朱雲外委把總應

宗仿先後殉杭州

右壽昌教諭宋公

紹周字仲穆咸豐八年五月殉贈國子監助教

四面皆賊饒道絕餓守圍城逾百日賊乘大霧潛登陴

援兵雖到殊後期朝服堂皇厲聲罵張許睢陽名不亞

嗚呼六招兮公歸來寶幢猶有先人祠

右金壇知縣李公

淮字小石咸豐八年七月殉贈道銜

將家之子寓公籍文士恂恂曉兵策從軍滬瀆恢縣城

憑高縱火燒賊營單師首進後無繼血肉淋漓橫臥地

嗚呼七招兮公歸來天陰鬼哭西湖西

右光祿寺署正胡公

枚字少文咸豐四年十一月殉贈員外郎公籍鎮海

居鄭之月湖已三世故殿之

江北書感

首畫通商界明州此要區市聲縈鬼語津課驗官符風

物吾鄉舊衣冠各島殊頻年添種類王會可成圖

二

競說戎王國東來有大謀戈船橫海道廬舍互江流貨  
殖徒編傳軍防孰借籌眼中形勝地胡越已同舟

三

滬瀆程千里輪艘日日便舊開罌粟禁新算篋書錢新例  
書籍依佳紙輸稅誰恤行商苦徒聞計吏賢衣裝搜閱徧邏卒  
半腥羶

四

卻憶辛壬際狂氛徧蔓延尙留乾淨土渾忘亂離年紀

事

中朝歷巡江外國船全家棲息處重過倍流連

五

咫尺州城路經遊亦未多興梁須納稅

桃花渡浮橋人納四錢肩輿二

十四錢

門巷厭聞歌

地多流妓

舊友悲荒冢華年感逝波空懷

江統論搔首問如何

食虎肉

村農獲一虎獻之將軍門將軍頗選事分饋徧故人我  
得一臠肉煮以三束薪奏刀尙堅勒決齒殊苦辛羶氣  
闕吾鼻徒用椒香薰雖云異味嘗不及家雞豚廚爨曉

清供每與蔬筍親諒無炮炙法負此山肴珍可知大器  
材卓犖恆不羣用之非所長屈扣難自陳

校徐柳泉舍人煙嶼樓集

興朝鼎鼎文章手前有西溟後望溪繙閱故人煙嶼藁  
一峯秀出兩峯齊

二

張姚具體惜無才陽羨吳生氣更灰一笑桐城真未派  
讓渠海上建旗來

六二山房續集卷二